

Umsögn dómnefndar

**samkvæmt III. kafla laga nr. 50/2016 um dómstóla
um umsækjendur um setningu í embætti dómara með fyrsta starfsvettvang
við Héraðsdóm Reykjavíkur til og með 31. desember 2026, sem auglýst var
laust til umsóknar í Lögbirtingablaði 5. desember 2025.**

Reykjavík, 9. febrúar 2026

EFNISYFIRLIT

1. Umsækjendur	2
2. Sjónarmið sem nefndin byggir mat sitt á	2
3. Um málsmeðferð dómnefndar.....	5
4. Almennar upplýsingar um umsækjendur	6
5. Mat á hæfni umsækjenda	11
5.1. Almenn starfshæfni og andlegt atgervi.....	11
5.2. Menntun og framhaldsmenntun	12
5.2.1. Menntun og framhaldsmenntun – samanburður	12
5.3. Reynsla af dómstörfum.....	13
5.3.1. Reynsla af dómstörfum – samanburður	13
5.4. Reynsla af lögmanns- og málflutningsstörfum.....	13
5.4.1. Reynsla af lögmanns- og málflutningsstörfum – samanburður	14
5.5. Reynsla af stjórnsýslustörfum	15
5.5.1. Reynsla af stjórnsýslustörfum – samanburður	16
5.6. Reynsla af fræðistörfum o.fl.....	16
5.6.1. Kennsla á háskólastigi og önnur akademísk störf	16
5.6.1.1. Kennsla á háskólastigi og önnur akademísk störf – samanburður	17
5.6.2. Fræðibækur og -greinar o.fl.	17
5.6.2.1. Fræðibækur og -greinar o.fl. – samanburður	18
5.7. Reynsla af stjórnun.....	18
5.7.1. Reynsla af stjórnun – samanburður	19
5.8. Reynsla af öðrum störfum sem nýtast dómaraefni o.fl.....	19
5.8.1. Reynsla af öðrum störfum sem nýtast dómaraefni o.fl. – samanburður	21
5.9. Sérstök starfshæfni	21
6. Færni umsækjenda til að semja dóma	22
7. Niðurstaða dómnefndar	23

1. Umsækjendur

Með bréfi 6. janúar 2026 fór dómsmálaráðuneytið þess á leit við dómnefnd samkvæmt III. kafla laga nr. 50/2016 um dómstóla að hún léti í té umsögn um hæfni umsækjenda um setningu í embætti héraðsdómara sem auglýst var laust til umsóknar 5. desember 2025 í Lögbirtingablaði.

Eftirtaldir sóttu um embættið: Arndís Anna Kristínardóttir Gunnarsdóttir lögmaður, Brynjar Nielsson lögfræðingur, Marta María Friðriksdóttir aðstoðarmaður dómara við Landsrétt, Sindri M. Stephensen dósent og settur héraðsdómari og Sverrir Sigurjónsson lögmaður.

Samkvæmt 3. gr. reglna nr. 970/2020 um störf dómnefndar lætur dómsmálaráðherra staðreyna að umsækjendur uppfylli öll hin almennu hæfisskilyrði embættanna sem auglýst voru laus til umsóknar. Niðurstaða ráðuneytis dómsmála er sú að umsækjendur uppfylli allir þau skilyrði.

Umsögn dómnefndar fer hér á eftir.

2. Sjónarmið sem nefndin byggir mat sitt á

Samkvæmt 1. mgr. 12. gr. laga nr. 50/2016 skal dómnefnd láta ráðherra í té skriflega og rökstudda umsögn um umsækjendur um embætti dómara. Skal í umsögn dómnefndar tekin afstaða til þess hvaða umsækjandi sé hæfastur til að hljóta embættið en heimilt er að setja tvo eða fleiri umsækjendur jafna.

Þágildandi lögum nr. 15/1998 um dómstóla var breytt með lögum nr. 45/2010. Í athugasemdum við þá málsgrein síðargreindu laganna, er varð að 2. mgr. 4. gr. a laga nr. 15/1998, sbr. nú 1. mgr. 12. gr. laga nr. 50/2016, segir meðal annars svo: „Við mat á hæfni dómaraefna er til margra atriða að líta, svo sem starfsreynslu á sviði lögfræði, hvort heldur hún er á sviði dómstarfa, málflutnings, annarra lögmannsstarfa, fræðistarfa eða innan stjórnsýslunnar, en almennt verður umsækjandi að hafa til að bera almenna og víðtæka lögfræðilega menntun og þekkingu. Rétt er einnig að líta til aukastarfa umsækjanda, svo sem til setu í úrskurðarnefndum eða annarra skyldra starfa sem nýtast dómaraefni. Almennt

verður að telja umsækjanda til tekna að hafa yfir að búa fjölbreyttri starfsreynslu, þótt meta verði það hverju sinni. Dómnefndinni er einnig rétt að líta til og að leita sérstaklega eftir umsögnum um störf umsækjanda og þess hvort hann sé skilvirkur í störfum sínum og vinnusamur, hvort hann hafi til að bera hæfni til að skilja aðalatriði frá aukaatriðum og setja álit sitt fram á skiljanlegan hátt, bæði munnlega og skriflega. Er í því skyni unnt að líta til fræðiritra, reynslu umsækjanda af málflutningi eða þeirra dóma sem umsækjandi kann að hafa samið. Umsækjandi um dómaraembætti verður enn fremur að geta átt góð samskipti við aðra.“

Í lok 1. mgr. 12. gr. laga nr. 50/2016 kemur fram að ráðherra setji að öðru leyti nánari reglur um störf dómnefndar. Dómsmálaráðherra hefur sett reglur nr. 970/2020 um störf dómnefndar sem fjallar um hæfni umsækjenda um dómaraembætti, en þær komu í stað eldri reglna um sama efni, nr. 620/2010. Í 4. gr. hinna nýju reglna er á sama hátt og í 4. gr. þeirra eldri fjallað um sjónarmið sem nefndin skal byggja mat sitt á. Þar segir meðal annars: „Dómnefnd skal gæta þess við mat sitt að samræmis sé gætt þannig að jafnræði sé í heiðri haft. Niðurstaðan skal byggð á heildstæðu mati á grundvelli málefnalegra sjónarmiða og skal þar byggt á verðleikum umsækjenda með hliðsjón af menntun og reynslu, ráðvendni, hæfni og skilvirkni í starfi ... Við mat á menntun, starfsferli og fræðilegri þekkingu skal dómnefndin miða við að æskilegt sé að umsækjandi hafi fjölbreytta starfsreynslu á sviði lögfræðinnar, s.s. reynslu af dómstörfum, málflutningi eða öðrum lögmannsstörfum, störfum innan stjórn-sýslunnar eða fræðistörfum. Miðað skal við að umsækjandi hafi til að bera almenna og víðtæka lögfræðilega þekkingu og menntun. Þá skal litið til þess hvort umsækjandi hefur stundað framhaldsnám ... Dómnefnd ber einnig að líta til aukastarfa umsækjanda, svo sem til setu í úrskurðarnefndum eða annarra skyldra starfa sem nýtast dómaraefni. Loks er heimilt að líta til víðtækrar þátttöku í félagsstarfi ... Við mat á almennri starfshæfni skal litið til þess hvort umsækjandi hafi sýnt sjálfstæði, óhlutdrægni, frumkvæði og skilvirkni í starfi og hvort hann eigi auðvelt með að skilja aðalatriði frá aukaatriðum. Æskilegt er að hann hafi reynslu af stjórnun. Umsækjandi skal hafa góða þekkingu á íslensku máli og eiga auðvelt með að tjá sig í ræðu og riti ... Mikilvægt er að umsækjandi hafi einkamála- og sakamálaréttarfar á valdi sínu og geti farið að fyrirmælum laga um samningu dóma og ritað þá á góðu máli. Hann verður

að geta stjórnað þinghöldum af röggsemi og sanngirni og afgangi þau mál sem honum eru fengin, bæði fljótt og af öryggi ... Umsækjandi þarf að eiga auðvelt með mannleg samskipti, bæði við samstarfsmenn og þá sem erindi eiga við hann. Gerð er krafa um að af umsækjanda fari gott orð bæði í fyrri störfum og utan starfa og að reglusemi hans sé í engu ábótavant.“

Í almennum athugasemdum við frumvarp það, er varð að lögum nr. 45/2010 um breytingu á lögum nr. 15/1998, er áréttað að í öðrum lögum sé einnig að finna ákvæði sem taka verður tillit til við skipun dómara, svo sem í stjórnarsýslulögum nr. 37/1993, lögum nr. 10/2008 um jafna stöðu og jafnan rétt kvenna og karla og lögum nr. 70/1996 um réttindi og skyldur starfsmanna ríkisins. Ennfremur er þar minnt á að í tilmælum ráðherranefndar Evrópuráðsins nr. R(94)12 frá 13. október 1994 um sjálfstæði, skilvirkni og hlutverk dómenda (On the Independence, Efficiency and Role of Judges) kemur fram að allar ákvarðanir um skipun og starfsframa dómara skuli byggðar á hlutlægum sjónarmiðum og byggjast á verðleikum, með hliðsjón af hæfi, ráðvæðni, hæfni og skilvirkni í starfi.

Dómnæfnd hefur áður fjallað um í umsögnum sínum hvaða merkingu beri að leggja í þau ummæli 4. gr. reglnanna „að æskilegt sé að umsækjandi hafi fjölbreytta starfsreynslu“ og tekið fram að þetta matsviðmið sé ekki einfalt í meðförum. Einnig að fjölbreytt starfsreynsla umsækjanda geti aukið lögfræðilega þekkingu hans, en slíkt sé þó ekki endilega raunin. Sú ályktun hefur verið dregin af athugasemdum með frumvarpi, er varð að lögum nr. 45/2010, að megináhersla sé þar lögð á lögfræðilega þekkingu umsækjandans. Með fjölbreyttri starfsreynslu sé átt við fjölbreytileika starfa, sem umsækjendur hafa sinnt, en ekki síður hve verkefnin, sem þeir hafa fengist við, séu fjölbreytileg í þeim skilningi að þeir hafi reynslu af því að beita réttarreglum á ólíkum sviðum lögfræði. Þá skiptir lögfræðileg þekking umsækjanda ekki máli, ein og sér, þegar mat er lagt á hæfni hans til að gegna embætti dómara í samanburði við aðra umsækjendur, heldur er einnig nauðsynlegt, eftir því sem tók eru á, að meta færni hans til að nýta þá þekkingu við úrlausn dómsmála.

3. Um málsmeðferð dómnefndar

Við meðferð þessa málsins viku sæti Jóhannes Sigurðsson nefndarmaður og varamaður hans, Arnfríður Einarsdóttir. Að fenginni tilnefningu Landsréttar var Andri Árnason settur *ad hoc* í dómnefndina. Fyrir sátu í nefndinni: Ása Ólafsdóttir, formaður, Helga Melkorka Óttarsdóttir, Reimar Pétursson og Þorgeir Örlygsson. Umsækjendum voru send tölvubréf 8. og 14. janúar þar sem óskað var eftir því að þeir gerðu athugasemdir við sérstakt hæfi framangreindra nefndarmanna teldu þeir einhverjar vanhæfisástæður fyrir hendi. Ekki komu fram athugasemdir við sérstakt hæfi nefndarmanna.

Fyrsti fundur dómnefndar eftir að hún var fullskipuð var 20. janúar 2026. Samkvæmt 10. gr. reglna nr. 970/2020 reiknast sex vikna afgreiðslufrestur nefndarinnar frá þeim degi.

Í framangreindri auglýsingu frá 5. desember 2025 var meðal annars áskilið að fram kæmu í umsóknum um dómaraembætti upplýsingar um tvo fyrrverandi eða núverandi samstarfsmenn eða yfirmenn sem gætu veitt dómnefnd bæði munnlega og skriflega upplýsingar um störf og samstarfshæfni hlutaðeigandi umsækjanda. Í þeim tilvikum sem umsækjendur tilgreindu sömu umsagnaraðila og höfðu veitt dómnefnd umsagnir um þá í fyrri matsferlum voru þær umsagnir lagðar til grundvallar að ósk umsækjendanna. Í öðrum tilvikum var aflað nýrra umsagna.

Dómnefnd bauð umsækjendum að koma til viðtals og átti viðtöl við umsækjendur sem þess óskuðu dagana 20. og 21. janúar 2026.

Samkvæmt 8. gr. reglna nr. 970/2020 voru umsækjendum send drög að umsögn dómnefndar með tölvubréfum 27. janúar 2026, þar sem þeim var gefinn kostur á að gera athugasemdir við þau til 2. febrúar sama ár. Þess var sérstaklega farið á leit í bréfinu að fram kæmi svo fljótt sem kostur væri hvort umsækjendur hygðust gera athugasemdir og .þær yrðu þá sendar sem fyrst. Athugasemdir bárust frá tveimur umsækjendum. Leiddu athugasemdir annars þeirra til minni háttar breytinga á fyrirleggjandi drögum að umsögn. Að auki bárust smávægilegar ábendingar frá einum umsækjanda sem brugðist var við með því að gera samsvarandi breytingar á fyrirleggjandi drögum

4. Almennar upplýsingar um umsækjendur

Hér á eftir verður gerð grein fyrir menntun og reynslu umsækjenda, en 5. kafli hefur að geyma mat dómnefndar á hæfni umsækjenda og viðmið á grundvelli þeirra megin sjónarmiða sem reifuð voru í 2. kafla. Upplýsingarnar í þessum köflum eru fyrst og fremst byggðar á umsóknum umsækjenda. Ekki er greint frá öllu því, sem þeir hafa talið þar upp, heldur verður í mati þessu almennt getið helstu starfa og viðfangsefna er þeir hafa sinnt að loknu laganámi, auk þess sem leitast hefur verið við að gæta samræmis þeirra á milli þegar gerð er grein fyrir þessum atriðum.

Arndís Anna Kristínardóttir Gunnarsdóttir er fædd 3. febrúar 1982 og er því 43 ára. Hún lauk BA-prófi í lögfræði frá Háskóla Íslands árið 2007 og síðan meistaraprófi árið 2009 frá sama skóla. Árið 2013 útskrifaðist hún með LL.M gráðu í mannréttindum og Evrópurétti frá KU Leuven í Belgíu og lagði stund á doktorsnám við lagadeild Háskólans í Strasbourg í Frakklandi á árunum 2017 til 2021. Þá hefur hún sem lögmaður sótt ýmis námskeið, meðal annars á vegum Lögmannafélags Íslands. Hún öðlaðist réttindi til málflutnings fyrir héraðsdómi í maí 2010. Að loknu lagaprófi hóf umsækjandinn störf sem fulltrúi á lögmannsstofu til ársins 2011. Þá tók hún við stöðu yfirlögfræðings á Barnaverndarstofu í afleysingum í eitt ár og í framhaldi af því í afleysingu sem sérfræðingur í útlendingamálum í innanríkisráðuneytinu frá 2011 til 2012. Hún átti sæti í kærunefnd greiðsluáðlögunarmála á árunum 2010 til 2014. Umsækjandinn starfaði sem lögmaður með rekstri eigin stofu í skamman tíma á árunum 2014 og 2021 og starfar nú sjálfstætt sem lögmaður. Hún starfaði hjá Samgöngustofu í sex mánuði frá 2013 til 2014 og hóf störf hjá Rauða krossinum sama ár þar sem hún starfaði sem lögfræðingur í málefnum hælisleitenda til ársins 2020. Umsækjandinn var kjörin til setu á Alþingi árið 2021 og gegndi þingmennsku til ársins 2024. Þá starfaði hún sem aðstoðarmaður fulltrúa Alþingis á þingi Evrópuráðsins og formanns laga- og mannréttindanefndar Evrópuráðsþingsins samhliða doktorsnámi á árunum 2018 til 2019. Umsækjandinn var gestakennari í flóttamannarétti við Háskólann í Reykjavík 2016 til 2021 og hefur verið leiðbeinandi með meistararitgerðum og prófdómari við lagadeild Háskóla Íslands og Háskólann á Akureyri. Auk fyrrgreindra kennslustarfa hefur umsækjandinn flutt fræðilega fyrirlestra á ýmsum vettvangi, fyrst og fremst á sviði

mannréttinda, mannúðarréttar og flóttamannaréttar, meðal annars á vegum utanríkisráðuneytisins og Rauða krossins á Íslandi. Umsækjandinn hefur skrifað þrjár ritrýndar greinar á sviði lögfræði auk þess sem hún hefur birt eina óritrýnda grein. Umsækjandinn er formaður Siðmenntar, félags siðrænna húmanista á Íslandi frá 2025 og varaformaður FTA, félags talsmanna umsækjenda um alþjóðlega vernd frá sama ári. Þá hefur umsækjandinn starfað í kosningum á Íslandi, í sveitastjórnarkosningum 2006 og 2014, forsetakosningum 2016 og 2020 og í alþingiskosningum 2016, 2017 og 2024.

Brynjar Nielsson er fæddur 1. september 1960 og er því 65 ára. Hann lauk embættisprófi í lögfræði frá lagadeild Háskóla Íslands vorið 1986. Hann hefur sem lögmaður sótt ýmis námskeið, meðal annars á vegum Lögmannafélags Íslands. Hann öðlaðist réttindi til að flytja mál sem héraðsdómslögmaður árið 1989 og sem hæstaréttarlögmaður árið 1998. Umsækjandinn hóf störf sem fulltrúi hjá yfirborgarfégetanum í Reykjavík að loknu lagaprófi árið 1986 og starfaði þar til hausts 1991. Frá þeim tíma og til ársloka 2015 var hann sjálfstætt starfandi lögmaður og rak eigin lögmannsstofu, ýmist einn eða í samstarfi við aðra. Umsækjandinn var kjörinn til setu á Alþingi árið 2013 og gegndi þingmennsku samfleytt til ársins 2021. Sem alþingismaður starfaði hann jafnframt í forsætisnefnd þingsins sem annar varaforseti Alþingis. Umsækjandinn var um skeið árið 2017 formaður stjórnskipunar- og eftirlitsnefndar Alþingis. Frá desember 2021 til júní 2022 starfaði hann sem aðstoðarmaður dómsmálaráðherra, en sem sérfræðingur í fjármála- og efnahagsráðuneytinu frá þeim tíma til júlí 2024. Umsækjandinn var settur héraðsdómari við Héraðsdóm Reykjavíkur frá 15. febrúar 2025 til ársloka þess árs. Árin 2010 til 2012 sat hann í dómnefnd til að meta hæfni umsækjenda um embætti héraðs- og hæstaréttardómara. Þá átti hann sæti í yfirkjörstjórn Reykjavíkurkjördæmis suður frá 2005 til 2009. Umsækjandinn var stundakennari í refsirétti og sakamálaréttarfari í meistaranámi við Háskólann á Bifröst á árunum 2007 til 2010 og í sakamálaréttarfari við Háskóla Íslands á árunum 2011 til 2019. Hann hefur flutt fræðilega fyrirlestra við lagadeildir Háskóla Íslands, Háskólans í Reykjavík og Háskólans á Akureyri. Einnig hefur hann verið leiðbeinandi og prófdómari við ritun BA-ritgerða og meistararitgerða. Hann hefur kennt sakamálaréttarfar á námskeiðum

til öflunar réttinda til málflutnings fyrir héraðsdómi og á námskeiði á vegum Endurmenntunar Háskóla Íslands um skipti á dánarbúum. Umsækjandinn var formaður Lögmannafélags Íslands á árunum 2010 til 2012 og sat í laganefnd félagsins árin 1995 til 1997. Þá hefur hann setið í stjórnnum ýmissa félaga og fyrirtækja í tengslum við lögmannsstörf sín. Umsækjandinn sat í þriggja manna nefnd til að vera þáverandi dómsmálaráðherra til ráðgjafar vegna frumvarps til nýrra laga um meðferð sakamála sem síðar varð að lögum nr. 88/2008. Að beiðni innanríkisráðherra samdi hann sem formaður Lögmannafélagsins, ásamt öðrum stjórnarmönnum, frumvarp til breytinga á lögum um lögmenn. Í störfum sínum sem alþingismaður og síðar í dómsmálaráðuneytinu og fjármála- og efnahagsráðuneytinu kom umsækjandinn að samningu lagafrumvarpa og var skipaður formaður starfshóps af utanríkisráðherra í janúar 2024 til að meta umfang svonefndrar gullhúðunar við innleiðingar EES-gerða. Umsækjandinn hefur setið í áfrýjunardómstól Knattspyrnusambands Íslands og laganefnd Handknattleikssambands Íslands. Þá hefur hann sinnt trúnaðarstörfum fyrir knattspyrnufélagið Val og setið í stjórnnum knattspyrnu- og körfuknattleiksdeildar félagsins auk þess að vera forseti Bridgesambands Íslands.

Marta María Friðriksdóttir er fædd 15. maí 1987 og er því 38 ára. Hún lauk BA-prófi í lögfræði frá Háskóla Íslands árið 2010 og meistaraþrófi árið 2012 frá sama skóla. Hún hefur sótt ýmis námskeið á sviði lögfræði, bæði hérlandis og erlendis. Umsækjandi hefur öðlast réttindi sem European Trademark Attorney. Á árunum 2012 til 2014 starfaði hún sem ritari hjá úrskurðarnefnd um viðskipti við fjármálafyrirtæki. Á tímabilinu 2012 til 2013 starfaði hún einnig hjá skóla- og frístundasviði Reykjavíkurborgar. Á árinu 2014 starfaði umsækjandinn sem lögfræðingur í verkefnum fyrir sjálfstætt starfandi lögmann án þess að leitað hafi verið staðfestingar lögmannafélagsins skv. 1. mgr. 11. gr. laga nr. 77/1998 um lögmenn. Sama ár hóf umsækjandinn störf sem lögfræðingur hjá Árnason Faktor einkaleyfaskrifstofu og starfaði þar allt til ársins 2021, er hún hóf störf sem aðstoðarmaður við Landsrétt þar sem hún hefur jafnframt verið staðgengill skrifstofustjóra. Umsækjandinn kom að stofnun Listasjóðs Ólafar árið 2008 og hefur setið í stjórn hans frá upphafi, hún hefur verið stjórnarformaður Hallgerðar ehf. og Pólar Hótela ehf. frá árinu 2012, þá hefur

hún setið í hverfiskjörstjórn við þjóðaratkvæðagreiðslu árið 2012 og við alþingiskosningar árið 2013.

Sindri M. Stephensen er fæddur 20. maí 1989 og er því 36 ára. Hann lauk BA-prófi í lögfræði frá Háskóla Íslands árið 2012 og síðan meistaraprófi í maí 2014 frá sama skóla. Hann lauk Mag. jur. gráðu frá Oxford háskóla árið 2017 og útskrifaðist með diplómu í opinberri stjórnsýslu frá stjórnmálafræðideild Háskóla Íslands árið 2019. Þá hefur hann sótt ýmis námskeið hérlandis og erlendis. Hann öðlaðist réttindi til málflutnings fyrir héraðsdómi á árinu 2015 og hlaut alþjóðlega vottun frá International Association of Privacy Professionals á árinu 2018. Að loknu lagaprófi hóf hann störf sem löglærður fulltrúi og síðar lögmaður hjá lögmannsstofu til ágúst 2017, en í hlutastarfi síðasta árið meðfram námi. Frá september 2017 til loka október 2019 starfaði umsækjandinn sem aðstoðarmaður dómara við EFTA-dómstólinn. Umsækjandinn hefur starfað við lagadeild Háskólans í Reykjavík frá júlí 2019, í nóvember sama ár fékk hann stöðu lektors við deildina og hlaut í september 2021 framgang í stöðu dósentis en hann hefur sinnt því starfi í hlutastarfi frá því í apríl 2024. Aðal kennslugreinar hans hafa verið almenn lögfræði, sakamálaréttarfarar og einkamálaréttarfarar. Umsækjandinn hefur verið settur dómari við Héraðsdóm Reykjavíkur frá 4. apríl 2024. Í febrúar 2023 var hann settur varadómari í einu máli við sama dómstól. Hann hefur ritað tvær ritrýndar fræðibækur, *Réttarfar Félagsdóms* sem kom út árið 2020 og *Skattaréttur: Meginreglur og málsmæðferð* sem kom út árið 2023. Einnig hefur hann skrifað 21 ritrýnda grein og bókakafla, þar af átta greinar með öðrum auk tveggja óritrýndra greina ásamt meðhöfundum. Auk þess er hann meðhöfundur að kennsluriti í almennri lögfræði við lagadeild Háskólans í Reykjavík. Jafnframt getur hann um ýmsa fyrirlestra og erindi sem hann hefur flutt hérlandis og erlendis um lögfræðileg efni. Árin 2017 til 2019, 2021 og 2025 sinnti umsækjandinn stundakennslu við lagadeild Háskóla Íslands og var leiðbeinandi BA-ritgerða við sömu deild frá 2018 til 2020. Hann sat í þriggja manna nefnd sem samdi nýjar réttarfarsreglur fyrir EFTA-dómstólinn frá 2017 til 2019 og sinnti ráðgjafastörfum meðfram kennslu og öðrum störfum frá 2019 og þar til hann var settur héraðsdómari í apríl 2024. Hann gegndi störfum ritara kærunefndar útboðsmála árin 2020 til 2023, sat í kærunefnd útlendingamála frá desember 2020 til ársloka 2024 og sat í nefnd um

dómarastörf frá febrúar 2021 til apríl 2024 þegar hann var settur héraðsdómari. Hann var skipaður varamaður varaformanns stjórnar Persónuverndar frá júní 2020 til júní 2025 en frá október 2021 til mars 2023 gegndi hann störfum varaformanns stjórnarinnar og tók þátt í afgreiðslu allra úrlausnar hennar á því tímabili. Hann hefur verið varamaður í áfrýjunarnefnd neytendamála frá október 2021 og í nóvember 2024 var umsækjandinn skipaður formaður nefndar til að meta lausn um stundarsakir en var áður varaformaður nefndarinnar frá desember 2022. Einnig hefur hann setið í nefndum og ráðum innan Háskólans í Reykjavík. Af öðrum aukastörfum má nefna að hann hefur setið í ritnefnd og sinnt ritstjórstörfum, verið forstöðumaður Réttarfarsstofnunar Háskólans í Reykjavík frá 2020, setið í stjórn Hins norræna félags um réttarfar frá 2022, tekið sæti í sérfræðingahópi Þjóðaröryggisráðs og situr í ráðgjafaráði Nordic Commercial Law Review frá 2025.

Sverrir Sigurjónsson er fæddur 6. nóvember 1981 og er því 44 ára. Hann lauk BA-prófi 2013 og meistaraprófi í lögfræði frá Háskólanum í Reykjavík vorið 2015. Hann öðlaðist réttindi til að vera héraðsdómslögmaður árið 2017, réttindi til málflutnings fyrir Landsrétti vorið 2024 og löggildingu til að starfa sem fasteigna-, fyrirtækja- og skipasali í júlí 2018 og sem bifreiðasali árið 2004. Frá 2002 til 2010 starfaði umsækjandi sem bifreiðasali og frá árinu 2014 á lögmannsstofu og fasteignasölu. Frá 2017 hefur hann verið sjálfstætt starfandi lögmaður ásamt því að starfa á fasteignasölu frá hausti 2025, við sölu og skjalagerð. Þá hefur hann verið framkvæmdastjóri Kerhesta ehf. frá árinu 2009 og var á árunum 2015 til 2022 framkvæmdastjóri Icelandbus ehf. auk þess að vera formaður hestamannafélags á árunum 2008 til 2013. Hann var varamaður í sveitarstjórn Grímsnes- og Grafningsshrepps frá 2006 til 2013 og sat í nefndum á vegum sveitarfélagsins. Umsækjandi var kennari á námskeiði til öflunar löggildingar sem bifreiðasali hjá Iðunni fræðslusetri árið 2018.

5. Mat á hæfni umsækjenda

5.1. Almenn starfshæfni og andlegt atgervi

Í 2. mgr. 29. gr. laga nr. 50/2016 er í sjö töluliðum mælt fyrir um þau almennu hæfisskilyrði sem umsækjendur um embætti héraðsdómara þurfa að uppfylla til að skipa megí þá í embættið. Meðal þessara skilyrða eru að umsækjandi sé svo á sig kominn andlega og líkamlega að hann geti gegnt embættinu, sbr. 3. tölulið, hafi ekki sýnt af sér háttsemi, sem getur rýrt það traust sem dómarar verða almennt að njóta, sbr. 5. tölulið, hafi lokið embættisprófi eða grunnnámi ásamt meistaraþrófi í lögum, sbr. 6. tölulið og kafla 5.2 hér á eftir, og teljist vera hæfur til að gegna embættinu í ljósi starfsferils síns og lögfræðilegrar þekkingar, sbr. 8. tölulið. Eins og áður greinir hefur ráðherra samkvæmt 3. gr. reglna nr. 970/2020 látið staðreyna að umsækjendurnir uppfylli öll þessi hæfisskilyrði.

Í 3. tölulið 4. gr. reglnanna kemur fram að við mat á almennri starfshæfni skuli dómnefnd líta til þess hvort umsækjandi hafi sýnt sjálfstæði, óhlutdrægni, frumkvæði og skilvirkni í starfi og hvort hann eigi auðvelt með að skilja aðalatriði frá aukaatriðum. Þá segir einnig að umsækjandi skuli hafa góða þekkingu á íslensku máli og eiga auðvelt með að tjá sig í ræðu og riti. Ennfremur er tekið fram í 5. tölulið 4. gr. að umsækjandi þurfi að eiga auðvelt með mannleg samskipti, bæði við samstarfsmenn og þá sem erindi eiga við hann. Gerð sé krafa um að af umsækjanda fari gott orð, bæði í fyrri störfum og utan starfa og að reglusemi hans sé í engu ábótavant.

Svo sem áður greinir var meðal annars áskilið í auglýsingu um dómaraembættin að fram kæmu í umsóknum upplýsingar um tvo fyrrverandi eða núverandi samstarfsmenn eða yfirmenn sem gætu veitt dómnefnd bæði munnlega og skriflega upplýsingar um störf og samstarfshæfni hlutaðeigandi umsækjanda. Þær umsagnir, sem nefndin aflaði hjá þessum umsagnaraðilum um störf umsækjenda og persónulega eiginleika þeirra, voru undantekningalaust jákvæðar í þeirra garð.

Af þessum umsögnum og athugunum nefndarinnar verður ráðið, eins og áður er fram komið, að allir umsækjendur uppfylli þær lágmarkskröfur sem gera verður til starfshæfni héraðsdómara samkvæmt 3. og 5. tölulið 4. gr. reglna nr. 970/2020.

5.2. Menntun og framhaldsmenntun

Arndís Anna Kristínardóttir Gunnarsdóttir lauk BA-prófi í lögfræði frá Háskóla Íslands árið 2007 og meistaraprófi árið 2009 frá sama skóla. Þá lauk hún L.L.M gráðu frá háskólanum í Leuven í Belgíu 2013 og lagði stund á doktorsnám við lagadeild Háskólans í Strasbourg í Frakklandi á árunum 2017 til 2021 þar til hún tók sæti á Alþingi. Gerði hún þá hlé á doktorsnámi sínu og er því ólokið. Þá hefur hún sem lögmaður sótt ýmis námskeið, meðal annars á vegum Lögmannafélags Íslands.

Brynjar Níelsson lauk embættisprófi í lögfræði frá lagadeild Háskóla Íslands vorið 1986 og hefur sótt ýmis fræðileg námskeið hérlandis.

Marta María Friðriksdóttir lauk BA-prófi í lögfræði frá Háskóla Íslands árið 2010 og meistaraprófi árið 2012 frá sama skóla. Þá hefur hún hefur sótt ýmis námskeið á sviði lögfræði, bæði hérlandis og erlendis.

Sindri M. Stephensen lauk BA-prófi og síðan meistaraprófi í lögfræði frá Háskóla Íslands árið 2014. Þá lauk hann Mag. jur. gráðu frá Oxford háskóla árið 2017 og útskrifaðist með diplóma í opinberri stjórnsýslu frá stjórnmálafræðideild Háskóla Íslands árið 2019. Hann hefur einnig sótt ýmis námskeið hérlandis og erlendis.

Sverrir Sigurjónsson lauk BA-prófi 2013 og meistaraprófi í lögfræði við Háskólann í Reykjavík vorið 2015.

5.2.1. Menntun og framhaldsmenntun – samanburður

Að virtu því, sem að framan greinir, er það mat dómnefndar að *Arndís Anna* og *Sindri* standi fremst umsækjenda í þessum matsþætti en bæði hafa lokið viðbótarmeistaragráðu í lögfræði frá erlendum háskóla að loknu meistaraprófi í lögum frá Háskóla Íslands og stundað annað nám að því loknu. *Brynjar*, *Marta María* og *Sverrir* hafa ekki lagt stund á annað eða frekara nám í lögfræði eða skyldum greinum en *Brynjar* og *Marta* hafa setið ýmis stutt lögfræðinámskeið að loknu fullnaðarnámi í lögfræði.

5.3. Reynsla af dómstörfum

Arndís Anna Kristínardóttir Gunnarsdóttir hefur ekki reynslu af störfum í þessum matsþætti.

Brynjar Níelsson var settur dómari við Héraðsdóm Reykjavíkur frá 15. febrúar 2025 til og með 31. desember það ár. Þá starfaði hann sem fulltrúi við embætti yfirborgarfélagans í Reykjavík árin 1986 til 1991 og fór sem slíkur með dómsvald í munnlega fluttum málum samkvæmt þágildandi reglum.

Marta María Friðriksdóttir hefur starfað sem aðstoðarmaður dómara við Landsrétt frá árinu 2021.

Sindri M. Stephensen hefur verið settur dómari við Héraðsdóm Reykjavíkur frá 4. apríl 2024. Auk þess var hann settur varadómari í einu máli við sama dómstól 2023 og gegndi störfum aðstoðarmanns dómara við EFTA-dómstólinn um tveggja ára skeið frá 2017 til 2019.

Sverrir Sigurjónsson hefur ekki reynslu af störfum í þessum matsþætti.

5.3.1. Reynsla af dómstörfum – samanburður

Samkvæmt framansögðu hafa þrír umsækjenda reynslu af störfum sem falla undir þennan matsþátt. Stendur *Sindri* fremstur umsækjenda í þessum matsþætti en hann hefur starfað sem settur héraðsdómari í tæp tvö ár. Þar á eftir er *Brynjar* sem hefur starfað sem héraðsdómari tæpt ár. Loks *Marta María* sem hefur starfað sem aðstoðarmaður dómara í Landsrétti í fjögur ár.

5.4. Reynsla af lögmanns- og málflutningsstörfum

Arndís Anna Kristínardóttir Gunnarsdóttir öðlaðist réttindi til málflutnings fyrir héraðsdómi í maí 2010. Hún hóf störf sem fulltrúi á lögmannsstofu að loknu laganámi 2009 og starfaði þar til ársins 2011. Hún var sjálfstætt starfandi lögmaður til skamms tíma árin 2014 og 2021 og frá seinni hluta árs 2024.

Brynjar Níelsson öðlaðist réttindi til að flytja mál sem héraðsdómslögmaður árið 1989 og sem hæstaréttarlögmaður árið 1998. Hann var sjálfstætt starfandi lögmaður í um aldarfjórðung, frá 1991 til 2015, og rak eigin lögmannsstofu ýmist einn

eða í samstarfi við aðra. Hann hefur flutt á annað hundrað mál fyrir Hæstarétti, einkum sakamál en einnig á öðrum sviðum lögfræði.

Marta María Friðriksdóttir hefur greint frá því að hún hafi um skamma hríð unnið sem lögfræðingur í verkefnum fyrir sjálfstætt starfandi lögmann án þess að leitað hafi verið staðfestingar lögmannafélagsins skv. 1. mgr. 11. gr. laga nr. 77/1998 um lögmennt.

Sindri M. Stephensen öðlaðist réttindi til málflutnings fyrir héraðsdómi árið 2015. Hann starfaði í fullu starfi á lögmannsstofu í rúm tvö ár á árunum 2014 til 2016 og í hlutastarfi í eitt ár til viðbótar. Á þeim tíma flutti hann 12 mál í héraði.

Sverrir Sigurjónsson öðlaðist réttindi til að vera héraðsdómslögmaður árið 2017 og réttindi til málflutnings fyrir Landsrétti vorið 2024. Hann hefur verið sjálfstætt starfandi lögmaður frá 2017 og flutt bæði einkamál og sakamál.

5.4.1. Reynsla af lögmanns- og málflutningsstörfum – samanburður

Fjórir umsækjendur hafa fengist við lögmanns- og málflutningsstörf en í mislangan tíma. Við mat á umsækjendum í þessum matsþætti er litið til þess hve lengi þeir hafa starfað sem lögmennt, þar á meðal hvort þeir hafi haft réttindi til flutnings mála fyrir æðri dómi. Einnig er horft til þess hvort umsækjendur hafi unnið sjálfstætt að lögmannsstörfum, sbr. 1. mgr. 12. gr. laga nr. 77/1998 um lögmennt, hvort þeir hafi gert það samhliða öðrum störfum, hversu mörg mál þeir hafa flutt og hvort störfin hafi verið fjölbreytileg þannig að þeir hafi fengist við mál á sem flestum réttarsviðum eða einungis á afmörkuðum sviðum. Jafnframt skiptir máli hvort þeir hafi flutt vandasöm mál fyrir dómi, ekki síst Hæstarétti og Landsrétti, svo og hvort önnur mál, sem þeir hafa fengist við sem lögmennt, hafi verið yfirgripsmikil eða flókin úrlausnar. Reynsla af störfum umsækjenda á lögmannsstofum án þess að þeir hafi haft lögmannsréttindi vegur tiltölulega lítið í þessum þætti mats.

Samkvæmt framansögðu stendur *Brynjar* öðrum umsækjendum mun framar í þessum matsþætti en hann á að baki um 25 ára reynslu sem sjálfstætt starfandi lögmaður. Á eftir honum kemur *Sverrir* sem hefur verið sjálfstætt starfandi lögmaður í um níu ár og hefur öðlast réttindi til að flytja mál fyrir Landsrétti. Næst kemur *Arndís Anna* en skammt þar á eftir kemur *Sindri*. Loks *Marta María*.

5.5. Reynsla af stjórnsýslustörfum

Hér á eftir verða rakin helstu stjórnsýslustörf sem umsækjendur hafa haft með höndum.

Arndís Anna Kristínardóttir Gunnarsdóttir var staðgengill yfirlögfræðings á Barnaverndarstofu í eitt ár 2011. Í framhaldi af því starfaði hún sem sérfræðingur í útlendingamálum í innanríkisráðuneyti frá 2011 til 2012 og starfaði hjá Samgöngustofu í sex mánuði á árunum 2013 til 2014. Þá átti hún sæti í kærunefnd greiðsluaðlögunarmála árin 2010 til 2014.

Brynjar Níelsson starfaði sem fulltrúi hjá embætti yfirborgarfélagans í Reykjavík 1986 til 1991 og hefur hluti þeirrar reynslu verið metin til dómstarfa. Hann var aðstoðarmaður dómsmálaráðherra um í eitt og hálft ár frá desember 2021 til júní 2022 og starfaði frá þeim tíma sem sérfræðingur í fjármála- og efnahagsráðuneytinu til ársins 2024.

Marta María Friðriksdóttir starfaði sem ritari í hlutastarfi hjá úrskurðarnefnd um viðskipti við fjármálafyrirtæki á árunum 2012 til 2014. Þá starfaði hún á skóla- og frístundasviði Reykjavíkurborgar frá 2012 til 2013.

Sindri M. Stephensen hefur setið í kærunefnd útlendingamála frá desember 2020 og sat í nefnd um dómarastörf frá febrúar 2021 til apríl 2024. Hann hefur verið varamaður í áfrýjunarnefnd neytendamála frá október 2021 og tekið þátt í úrlausn þriggja mála. Hann gegndi störfum varaformanns stjórnar Persónuverndar frá október 2021 til mars 2023 og tók þátt í afgreiðslu allra úrlausna hennar á því tímabili. Í nóvember 2024 var umsækjandinn skipaður formaður nefndar til að meta lausn embættismanna frá störfum um stundarsakir og hefur þar kveðið upp einn úrskurð. Fram að því var hann varaformaður nefndarinnar frá desember 2022. Þá var hann ritari kærunefndar útboðsmála árin 2020 til 2023 í hlutastarfi.

Sverrir Sigurjónsson var varamaður í sveitarstjórn Grímsnes- og Grafningshrepps frá 2006 til 2013 og sat í nefndum á vegum sveitarfélagsins.

5.5.1. *Reynsla af stjórnsýslustörfum – samanburður*

Í þessum þætti hæfnismats hafa allir umsækjendur greint frá störfum sem geta falið í sér reynslu af stjórnsýslustörfum. Þegar þau viðfangsefni, sem hér um ræðir hafa verið innt af hendi samhliða aðalstarfi vega þau ekki eins þungt þegar hæfni á þessu sviði er metin. Við það mat skiptir ennfremur máli hvort störfin nýttast dómaraefni sérstaklega, sbr. 2. tölulið 4. gr. reglna nr. 970/2020, svo sem seta í úrskurðarnefndum eða vinna fyrir þær. Eins og endranær verður litið til framan- greindra starfa og þeim gefið vægi eftir eðli sínu, umfangi og fjölbreytni. Jafnframt verður horft til lengdar starfstíma en einnig þess hversu langt er síðan störfin voru innt af hendi.

Brynjar hefur samkvæmt framansögðu lengsta reynslu af störfum við stjórnsýslu að aðalstarfi og stendur því öðrum umsækjendum frammar í þessum matsþætti. Á eftir honum koma jafnsett *Arndís Anna* sem hafði stjórnsýslustörf að aðalstarfi í um tvö og hálft ár og hefur reynslu af setu í úrskurðarnefnd og *Sindri* sem hefur setið í ýmsum úrskurðarnefndum, þar á meðal sem formaður. Næst kemur *Marta María*. Loks *Sverrir*.

5.6. *Reynsla af fræðistörfum o.fl.*

5.6.1. *Kennsla á háskólastigi og önnur akademísk störf*

Arndís Anna Kristínardóttir Gunnarsdóttir var gestakennari í flóttamannarétti við Háskólann í Reykjavík árin 2016 til 2021. Einnig hefur hún verið leiðbeinandi með meistararitgerðum og prófdómari við lagadeild Háskóla Íslands og Háskólann á Akureyri.

Brynjar Nielsson var stundakennari í refsirétti og sakamálaréttarfari í meistaranámi við Háskólann á Bifröst á árunum 2007 til 2010 og í sakamálaréttarfari við Háskóla Íslands á árunum 2011 til 2019 og verið leiðbeinandi og prófdómari BA- og meistaranema. Þá hefur hann kennt sakamálaréttarfar á námskeiðum til öflunar réttinda til málflutnings fyrir héraðsdómi og annast kennslu á námskeiði á vegum Endurmenntunar Háskóla Íslands um skipti á dánarbúum.

Marta María Friðriksdóttir hefur ekki greint frá reynslu sem fellur undir þennan matsþátt.

Sindri M. Stephensen hefur starfað við lagadeild Háskólans í Reykjavík frá júlí 2019. Hann varð lektor við deildina í nóvember 2019 og dósent í september 2021 en því starfi hefur hann gegnt sem hlutastarfi meðfram dómstörfum frá apríl 2024. Aðalkennslugreinar hans hafa verið almenn lögfræði, sakamálaréttarfar og einkamálaréttarfar. Árin 2017 til 2019, 2021 og 2025 sinnti umsækjandinn stundakennslu við lagadeild Háskóla Íslands og var leiðbeinandi BA-ritgerða við sömu deild frá 2018 til 2020.

Sverrir Sigurjónsson kenndi í eitt skipti á námskeiði til öflunar löggildingar sem bifreiðasali hjá Iðunni fræðslusetri.

5.6.1.1. Kennsla á háskólastigi og önnur akademísk störf – samanburður

Samkvæmt framansögðu stendur *Sindri* fremstur umsækjenda á því sviði sem hér um ræðir en hann hefur haft kennslustörf að aðalstarfi í tæp fimm ár og að auki sinnt kennslu í hlutastarfi frá 2024. Næst kemur *Brynjar* sem hefur um árábil sinnt kennslustörfum í hlutastarfi á háskólastigi, þá *Arndís Anna* og loks *Sverrir*.

5.6.2. Fræðibækur og -greinar o.fl.

Arndís Anna Kristínardóttir Gunnarsdóttir hefur skrifað þrjár ritrýndar greinar á sviði lögfræði og flutt fræðilega fyrirlestra, einkum á sviði mannréttinda, mannúðarréttar og flóttamannaréttar. Þá hefur hún skrifað eina óritrýnda grein.

Brynjar Níelsson hefur flutt fræðilega fyrirlestra við lagadeildir Háskóla Íslands, Háskólans í Reykjavík og Háskólans á Akureyri.

Sindri M. Stephensen hefur ritað tvær ritrýndar fræðibækur, *Réttarfar Félagsdóms* sem kom út árið 2020 og *Skattaréttur: Meginreglur og málsmeðferð* sem kom út á þessu ári. Einnig hefur hann skrifað 21 ritrýnda grein og bókakafla, þar af átta greinar með öðrum auk einnar óritrýndrar greinar ásamt meðhöfundum. Þá er hann meðhöfundur að kennsluriti í almennri lögfræði við lagadeild Háskólans í Reykjavík. Jafnframt hefur hann flutt fyrirlestra og erindi hérlandis og erlendis um lögfræðileg efni. Hann hefur einnig sinnt ýmsum ritstjórnarstörfum og ber þar helst að nefna að hann hefur verið ritstjóri Tímarits lögfræðinga frá 2024 og hefur ritrýnt fjölda fræðigreina og eina bók á sviði stjórnsýsluréttar.

Marta María Friðriksdóttir og Sverrir Sigurjónsson tilgreina ekki í umsóknum sínum framlög sem heyra hér undir.

5.6.2.1. Fræðibækur og -greinar o.fl. – samanburður

Í þessum þætti er lagt mat á hæfni umsækjenda á grundvelli fræðiskrifa þeirra, fyrst og fremst fræðigreina, og annarra skrifa um lögfræðileg efni. Við matið er litið til gæða þeirra, birtingarvettvangs og jafnframt til fjölda, umfangs og fjölbreytni, auk þess sem horft er til hvort hlutaðeigandi umsækjandi hafi ritað efnið einn eða í samvinnu við aðra. Þá er loks höfð hliðsjón af fyrirlestrum, sem umsækjendur hafa flutt um lögfræðileg efni á ráðstefnum, fundum eða öðrum áþekktum vettvangi. Síðastnefndi þátturinn er þó tiltölulega léttvægur í samanburði við fræðiskrif.

Að þessu virtu stendur *Sindri* mun frammar öðrum umsækjendum í þessum matsþætti. Næst kemur *Arndís Anna*, svo *Brynjar*.

5.7. Reynsla af stjórnun

Arndís Anna Kristínardóttir Gunnarsdóttir var teymisstjóri þegar hún starfaði hjá Rauða krossi Íslands, var staðgengill yfirlögfræðings Barnaverndarstofu, er formaður Siðmenntar, félags siðrænna húmanista á Íslandi frá 2025 og hefur rekið eigin lögmannsstofu.

Brynjar Nielsson rak eigin lögmannsstofu í um 22 ár, ýmist einn eða í samstarfi við aðra og var formaður Lögmannafélags Íslands árin 2010 til 2012. Þá hefur hann setið í stjórnnum ýmissa félaga og fyrirtækja í tengslum við lögmannsstörf sín.

Sindri M. Stephensen hefur verið forstöðumaður Réttarfarsstofnunar Háskólans í Reykjavík frá árinu 2020 og gegndi störfum varaformanns stjórnar Persónuverndar frá október 2021 til mars 2023. Hann var skipaður formaður nefndar til að meta lausn embættismanna frá störfum um stundarsakir í nóvember 2024 og var áður varaformaður nefndarinnar frá desember 2022.

Marta María Friðriksdóttir hefur verið stjórnarformaður Hallgerðar ehf. og Pólar Hótela ehf. frá árinu 2012.

Sverrir Sigurjónsson hefur verið framkvæmdastjóri Kerhesta ehf. frá árinu 2009 og var á árunum 2015 til 2022 framkvæmdastjóri Icelandbus ehf.

5.7.1. *Reynsla af stjórnun – samanburður*

Í þessum þætti kemur til skoðunar reynsla umsækjenda af margvíslegum viðfangsefnum sem eiga það öll sameiginlegt að hafa falið í sér stjórnun í einni eða annarri mynd. Við mat á hæfni umsækjenda er litið til þess í hverju slík störf hafa verið fólgin, þar á meðal hversu góður undirbúningur felst í þeim fyrir starf héraðsdómara. Þá skiptir sömuleiðis máli hve lengi umsækjendur hafa sinnt slíkum störfum.

Með skírskotun til þess sem að framan greinir stendur *Brynjar* fremst í þessum matsþætti en hann hefur staðið að rekstri eigin lögmannsstofu um rúmlega tveggja áratuga skeið og fengist við ýmis önnur stjórnunarstörf. Á eftir honum kemur *Sindri*, þá *Arndís Anna*. Loks *Marta María* og *Sverrir* jafnsett.

5.8. **Reynsla af öðrum störfum sem nýtast dómaraefni o.fl.**

Hér á eftir verða rakin önnur helstu störf og verkefni, sem umsækjendur hafa fengist við og nýtast myndu þeim í dómaraembætti að mati dómnefndar, enda hafi þeirra ekki áður verið getið, svo sem í köflum 5.5. og 5.7. Einungis verða tekin til mats þau framlög sem umsækjendur hafa vísað til í umsóknum sínum eða eftir atvikum látið fylgja þeim.

Arndís Anna Kristínardóttir Gunnarsdóttir starfaði sem lögfræðingur hjá Rauða krossinum árin 2014 til 2020 og sá þá um réttindagæslu umsækjenda um alþjóðlega vernd. Hún var alþingismaður árin 2021 til 2024 og tók þátt í alþjóðastarfi í tengslum við setu á Alþingi. Samhliða doktorsnámi sínu starfaði hún sem aðstoðarmaður fulltrúa Alþingis á þingi Evrópuráðsins og formanns laga- og mannréttindanefndar Evrópuráðsþingsins frá 2018 til 2019. Þá hefur hún starfað við framkvæmd kosninga á Íslandi, í sveitastjórnarkosningum 2006 og 2014, forsetakosningum 2016 og 2020 og í alþingiskosningum 2016, 2017 og 2024. Árið 2023 fór hún til Úsbekistan á vegum utanríkisráðuneytisins og Öryggis- og samvinnustofnunar Evrópu til að sinna kosningaeftirliti með forsetakosningum þar í landi. Þá hefur umsækjandinn verið varaformaður FTA, félags talsmanna umsækjenda um alþjóðlega vernd, frá 2025.

Brynjar Níelsson sat á Alþingi árin 2013 til 2021 og starfaði jafnframt í forsætisnefnd sem annar varaforseti Alþingis. Þá var hann um tíma árið 2017

formaður stjórnskipunar- og eftirlitsnefndar Alþingis. Umsækjandinn hefur komið að samningu fjölda lagafrumvarpa í störfum sínum í ráðuneytum og sem alþingismaður. Hann samdi einnig frumvarp til breytinga á lögum um lögmenn þegar hann var formaður Lögmannafélags Íslands ásamt öðrum stjórnarmönnum og sat í laganefnd félagsins frá 1995 til 1997. Þá sat hann í þriggja manna nefnd til að vera þáverandi dómsmálaráðherra til ráðgjafar vegna frumvarps til nýrra laga um meðferð sakamála sem síðar varð að lögum nr. 88/2008. Árið 2024 var hann skipaður formaður starfshóps til að meta umfang svonefndrar gullhúðunar við innleiðingu EES-gerða. Árin 2010 til 2012 sat hann í dómnefnd til að meta hæfni umsækjenda um embætti héraðs- og hæstaréttardómara. Þá átti hann sæti í yfirkjörstjórn Reykjavíkurborgar suður frá 2005 til 2009. Hann hefur gegnt ýmsum trúnaðarstörfum innan íþróttahreyfingarinnar og hefur meðal annars setið í áfrýjunardómstól Knattspyrnusambands Íslands og laganefnd Handknattleikssambands Íslands, setið í stjórn knattspyrnu- og körfuknattleiksdeildar íþróttafélagsins Vals og er forseti Bridgesambands Íslands.

Marta María Friðriksdóttir starfaði sem lögfræðingur hjá Árnason Faktor einkaleyfaskrifstofu frá 2014 til 2021 og veitti þar ráðgjöf til viðskiptavina og fór með mál á sviði einkaleyfa,-vörumerkja- og hugverkaréttar fyrir íslenskum og erlendum stjórnvöldum. Hún kom að stofnun Listasjóðs Ólafar árið 2008 og hefur setið í stjórn hans frá upphafi. Þá hefur hún setið í hverfiskjörstjórn við þjóðaratkvæðagreiðslu árið 2012 og við alþingiskosningar árið 2013.

Sindri M. Stephensen sat í þriggja manna nefnd sem samdi nýjar réttarfarsreglur fyrir EFTA-dómstólinn árin 2017 til 2019 og kom að samningu og samþykkti reglur um málsmeðferð Persónuverndar frá 21. október 2021. Auk þess kom hann að samningu og samþykkti breytingar á reglum um aukastörf dómara. Hann hefur setið í stjórn Hins norræna félags um réttarfar frá árinu 2022, tók sæti í sérfræðingahópi Þjóðaröryggisráðs í desember 2023 og situr í ráðgjafaráði Nordic Commercial Law Review frá 2025. Hann hefur jafnframt setið í ýmsum nefndum og ráðum innan Háskólans í Reykjavík.

Sverrir Sigurjónsson hefur starfað sem löggiltur fasteigna- og skipasali frá hausti 2025.

5.8.1. *Reynsla af öðrum störfum sem nýttast dómaraefni o.fl. – samanburður*

Eins og áður greinir koma einungis til álita við mat á hæfni umsækjenda í þessum þætti þau störf, sem ekki hafa verið felld undir aðra matsþætti, svo sem stjórnáráðgjafi eða stjórnun, enda geti þau að mati dómnefndar varpað ljósi á hæfni þeirra til að gegna embætti héraðsdómara. Ef um er að ræða aðalstarf umsækjanda vegur það eðli máls samkvæmt þyngra en aukastörf sem innt eru af hendi samhliða öðrum störfum svo sem aðkoma starfsmanna ráðuneyta að gerð lagafrumvarpa.

Sé litið til starfa umsækjenda sem falla hér undir stendur *Brynjar* fremstur í þessum þætti hæfnismats, því næst kemur *Arndís Anna*, svo *Marta María*, sem hefur haft störf sem falla undir þennan matsþátt að aðalstarfi í sjö ár, þá *Sindri*, og loks *Sverrir*.

5.9. Sérstök starfshæfni

Í 4. tölulið 4. gr. reglna nr. 970/2020 segir m.a. að mikilvægt sé að umsækjandi hafi einkamála- og sakamálaréttarfar á valdi sínu. Einnig verði hann að geta stjórnað þinghöldum af röggsemi og sanngirni og afgreitt þau mál, sem honum eru fengin, bæði fljótt og af öryggi.

Hvað þennan þátt mats varðar hafa umsækjendur greint frá störfum sem geta fallið hér undir. Að mati dómnefndar skiptir einkum máli, þegar lagt er mat á hvort umsækjandi hafi einkamála- og sakamálaréttarfar á valdi sínu, hver sé reynsla hans af dóms- og málflutningsstörfum og hvert sé framlag hans í formi kennslu og fræðiskrifa á sviði réttarfars sem og aðkoma hans að samningu lagafrumvarpa á því sviði.

Það er álit dómnefndar að allir umsækjendur hafi með námi sínu og störfum öðlast nægilegt vald á réttarfarsreglum til að geta sinnt störfum héraðsdómara. Með tilliti til þeirra starfa, sem umsækjendur hafa gegnt á liðnum árum, lítur dómnefnd eining svo á að þeir séu hæfir til að stjórna þinghöldum af röggsemi og sanngirni og muni afgreiða þau mál, sem þeim eru fengin, bæði skjótt og vel.

Það er því niðurstaða nefndarinnar að ekki séu efni til að gera upp á milli umsækjenda hvað þennan matsþátt varðar.

6. Færni umsækjenda til að semja dóma

Í 4. gr. reglna nr. 970/2020 er meðal annars vísað til þess að umsækjandi um embætti dómara þurfi að hafa til að bera almenna og víðtæka lögfræðilega þekkingu og máli skipti hvort hann hafi sýnt sjálfstæði, óhlutdrægni, frumkvæði og skilvirkni í starfi, svo og hvort hann eigi auðvelt með að skilja aðalatriði frá aukaatriðum. Ennfremur að hann geti farið að fyrirmælum laga um samningu dóma og ritað þá á góðu máli. Eftir því sem umsækjandi hefur tileinkað sér betur þessi atriði, þeim mun færari er hann um að kveða upp dóm eða úrskurð í dómsmáli. Dómsúrlausnir hans og stjórnarsýsluúrskurðir sem og málflutningsskjöl á borð við greinargerðir geta auk annars veitt vísbendingar um hversu vel hann er að sér þegar kemur að því að beita réttarheimildum og skýra lög sem við eiga hverju sinni. Af þeim verður ekki síður ályktað hversu auðvelt umsækjandi ætti með að reifa í stuttu máli og um leið með fullnægjandi hætti málsatvik og ágreiningsefni dómsmáls og komast síðan að vel rökstuddri niðurstöðu um sönnunar- og lagaatriði, sbr. d- og f-liði 1. mgr. 114. gr. laga nr. 91/1991 um meðferð einkamála, sbr. og d-, f- og g-liði 2. mgr. 183. gr. laga nr. 88/2008 um meðferð sakamála, sbr. einnig dóma Hæstaréttar 19. desember 2017 í málum nr. 591/2017 og 592/2017. Hefur nefndin lagt áherslu á það sjónarmið í mati sínu að horfa til færni umsækjenda til að nýta lögfræðilega þekkingu sína og starfsreynslu við úrlausn dómsmála. Í samræmi við þetta hefur dómnefnd lagt sérstakt og rökstutt mat á færni hvers og eins umsækjenda til að semja dóma. Hefur verið horft til þeirra framlaga sem fylgdu umsóknum þeirra og annarra gagna, sem aðgengileg eru, svo sem heimilt er samkvæmt 3. mgr. 5. gr. reglna nr. 970/2020.

Vegna þess að starfsreynsla umsækjenda er ólík innbyrðis hefur dómnefnd þurft að beita mismunandi aðferðum í þessum hluta matsins en tekin voru til mats sex framlög frá umsækjendum. Við þennan hluta matsins var sjónum einkum beint að því hvernig umsækjendum hefur tekist að nýta þá lögfræðilegu þekkingu, sem þeir búa yfir, við að greina álitæfnin sem um var að ræða og eftir atvikum að leysa úr þeim. Þegar borin er saman færni einstakra umsækjenda til að semja dóma var jafnframt litið til þess hversu fjölbreytt lögfræðileg úrlausnarefni þeir hafa fengist við, sér í lagi hin síðari ár, og hversu flókin úrlausnar þau hafa verið. Loks hefur sem fyrr segir verið höfð hliðsjón af öðrum skrifum umsækjenda um lögfræðileg efni.

Við samanburð milli umsækjenda er það niðurstaða nefndarinnar að *Brynjar Nielsson* og *Sindri M. Stephensen* hafi með framlögum sínum sýnt fram á að þeir séu færastir umsækjenda að semja dóma. Það er sameiginlegt með úrlausnum þeirra að þær eru glöggar og studdar gildum lögfræðilegum rökum og á góðu máli. Til viðbótar hefur nefndin litið til þess hvernig dómsúrlausnum þeirra hefur farnast við endurskoðun á æðra dómstigi og að gætt er fresta við samningu þeirra. *Brynjar* hefur sýnt fram á góða færni að þessu leyti með þeim dómsúrlausnum sem teknar voru til mats sem og starfsreynslu hans sem lögmaður um langt árabil á breiðu sviði lögfræðinnar og jafnframt málflutningsreynslu hans fyrir Hæstarétti. Með sama hætti hefur umsækjandinn *Sindri*, einkum þegar horft er til framlags hans til rannsókna á nokkuð breiðu sviði lögfræðinnar og þeirra dómsúrlausna sem metnar hafa verið og starfsreynslu að öðru leyti, sýnt fram á góða færni til að semja dóma.

7. Niðurstaða dómnefndar

Verkefni dómnefndar samkvæmt 1. mgr. 12. gr. laga nr. 50/2016 er að taka afstöðu til þess hverjir umsækjenda séu hæfastir til að gegna þeim embættum héraðsdómara sem hér er fjallað um. Að framan hefur verið fjallað sérstaklega um þau sjónarmið sem dómnefnd ber að líta til við störf sín samkvæmt 4. gr. reglna nr. 970/2020. Þau hljóta eðli máls samkvæmt að hafa ólíkt vægi innbyrðis, en ekkert eitt þeirra getur ráðið úrslitum.

Niðurstaða dómnefndar er byggð á heildstæðu og, eftir því sem kostur er, hlutlægu mati á verðleikum umsækjenda og skiptir þar mestu máli að þeir hafi til að bera almenna og víðtæka lögfræðilega menntun, þekkingu og færni. Við mat á því að hve miklu leyti starfsreynsla umsækjenda nýtist í störfum héraðsdómara skiptir mestu máli að þeir búi yfir staðgóðri reynslu af dómstörfum, lögmanns- og málflutningsstörfum og þeim stjórnsýslustörfum sem lúta að úrlausn ágreiningsmála. Einnig hefur þýðingu hvort þau verkefni, sem umsækjendur hafa fengist við séu fjölbreytt svo sem hvort þeir hafi reynslu af því að beita réttarreglum á ólíkum sviðum. Þótt farsæl starfsreynsla gefi mikilsverðar vísbendingar um hæfni umsækjanda koma önnur atriði ekki síður til álita, þá einkum færni við lögfræðilega greiningu á álitamálum sem

leysa þarf úr fyrir dómi. Mat nefndarinnar er heildarmat allra framangreindra matsþátta.

Ef litið er til þeirra matsþátta sem fjallað er um í köflum 5.2. – 5.9. þar sem reynsla af dómstörfum, lögmanns- og málflutningsstörfum og stjórnarsýslustörfum vega þyngst og hafa jafn mikið vægi hver þáttur um sig og matsþættirnir allir virtir í heild er það niðurstaða dómnefndar að *Brynjar Níelsson* standi fremstur umsækjenda að þessu leyti. Er þá ekki aðeins litið til þess hve þau störf sem hann hefur sinnt eru fjölbreytt heldur ekki síður hve verkefnin eru margbreytileg. Þá er það jafnframt álit dómnefndar, eins og gerð er grein fyrir í kafla 6, að *Brynjar Níelsson* og *Sindri M. Stephensen* hafi með framlögum sínum sýnt mesta færni umsækjenda til að semja dóma.

Að virtum fjölbreyttum starfsferli og með skírskotun til alls þess sem áður greinir um hæfni til að semja dóma er það niðurstaðan af heildstæðu mati dómnefndar að *Brynjar Níelsson* standi öðrum umsækjendum framar. Samkvæmt umsóknargögnum hefur *Brynjar* til að bera almenna og víðtæka lögfræðilega þekkingu og hefur starfað sem settur héraðsdómari í tæpt ár. Þá á hann að baki langan feril sem lögmaður, hefur starfað í stjórnarsýslu, gegnt þingmennsku og sinnt stundakennslu á háskólastigi um árabíl. Að mati nefndarinnar hefur hann sýnt sjálfstæði, hlutlægni, frumkvæði og skilvirkni í starfi og á auðvelt með að skilja aðalatriði frá aukaatriðum. Hann hefur góða þekkingu á íslensku máli og á auðvelt með að tjá sig í ræðu og riti. Að áliti dómnefndar bera dómsúrlausnir *Brynjars* vott um færni hans til að greina og leysa skýrlega úr lögfræðilegum álitaefnum á ólíkum réttarsviðum.

Brynjar Níelsson lauk embættisprófi í lögfræði árið 1986. Hann öðlaðist réttindi til að flytja mál sem héraðsdómslögmaður 1989 og sem hæstaréttarlögmaður 1998. Hann starfaði árin 1986 til 1991 sem fulltrúi hjá yfirborgarfélaginu í Reykjavík. Frá 1991 til 2015 var hann sjálfstætt starfandi lögmaður og rak eigin lögmannsstofu, ýmist einn eða í samstarfi við aðra. Hann var settur dómari við Héraðsdóm Reykjavíkur frá 15. febrúar 2025 til loka þess árs. Hann var kjörinn til setu á Alþingi árið 2013 og gegndi þingmennsku samfleytt til ársins 2021. Frá desember 2021 til júní 2022 starfaði hann sem aðstoðarmaður dómsmálaráðherra, en sem sérfræðingur í fjármála- og

efnahagsráðuneytinu frá þeim tíma til júlí 2024. Af öðrum störfum má nefna að hann sat árin 2010 til 2012 í dómnefnd til að meta hæfni umsækjenda um embætti héraðs- og hæstaréttardómara, átti sæti í yfir kjörstjórn Reykjavíkarkjörðæmis suður frá 2005 til 2009 og var formaður Lögmannafélags Íslands árin 2010 til 2012. Hann hefur sinnt stundakennslu við Háskólann á Bifröst og kennt á námskeiðum til öflunar réttinda til málflutnings fyrir héraðsdómi og hefur flutt fræðilega fyrirlestra við lagadeildir Háskóla Íslands, Háskólans í Reykjavík og Háskólans á Akureyri. Þá sat hann í nefnd sem var dómsmálaráðherra til ráðgjafar vegna frumvarps til nýrra laga um meðferð sakamála sem síðar varð að lögum nr. 88/2008.


Ályktarorð:

Með skírskotun til 1. mgr. 12. gr. laga nr. 50/2016 um dómstóla er það niðurstaða dómnefndar að Brynjar Níelsson sé hæfastur umsækjenda til að hljóta setningu í embætti héraðsdómara með fyrsta starfsvettvang við Héraðsdóm Reykjavíkur, sbr. auglýsingu 5. desember 2025.


Reykjavík, 9. febrúar 2026


Ása Ólafsdóttir


Andri Árnason


Helga Melkorka Óttarsdóttir


Reimar Pétursson


Þorgeir Örlygsson